

國

朝

列

卿

紀

國朝列卿紀卷之一百六十

南京國子監總論

予讀詩至鎬京辟雍自西自東自南自北無思不服之咏作而嘆曰猗兮盛哉先王之教澤何其所被之遠也及觀宋安定胡先生崇大學以法度檢束士其士少能安之久乃化服豈風俗人才隨時遞降不可挽而之古也耶虞文靖有云初元之建學也風俗簡略人才樸朴許文正因時立教故多所造就許公沒而學政寢弛師道日廢及吳文正公來爲監官思作新之以浮議鼓煽不愜而去則師道之難振久矣我明設監以來論能振師道者首推宋公訥當時師生相訐教尾不行賴聖祖知

國朝文獻通考卷之二十一  
遇獨隆又命曹國公兼領教事則於必行俾過不及者一歸之  
中正及學錄金文徵喉吏部尚書余煥移文以老休而天威  
赫臨俾伏極典卒之名卿才大夫彬彬輩出以師嚴而道尊故  
也嗣後若胡頤菴之務敦實學陳澹然之力整士紀王文肅之  
嚴立程制謝芳石之禁刻習奎章楓山之修舉學政一時曠逸  
恣傲頗病其嚴而師道卒賴以不墜則夫後之欲紹前聞而振  
起乎斯道其則固不遠也而循時者或謂夷制可以市士心然  
則彼宋公諸君子果皆非欺愚於是乎有感

國朝列卿紀卷之一百六十

南京國子監祭酒年表

胡

棨

直隸武進人永樂八年以戶科都給事中署監事二十二年以太子賓客兼任

陳

璉

廣東東莞人鄉舉宣德元年以通政使掌國子監事本年丁憂

陳

敬宗

浙江慈谿人進士宣德九年任

吳

節

江西安福人進士景泰元年任歷太常寺卿兼學士掌翰林院事

劉

俊

陝西寶雞人進士天曆八年任歷南京工部右侍郎

周

洪謨

四川長寧人進士成化二年任

王

俱

直隸武進人進士成化七年任

劉

宣

江西安福人進士成化十八年以南京太常寺卿掌國子監事累官南京工部尚書

徐瓊 江西金谿人 進士 成化二十二年 以南京太常寺卿掌監事

謝鏗 浙江太平人 進士 弘治三年 任四年 致仕 復起 禮部右侍郎 掌監事

李傑 直隸常熟人 進士 弘治四年 任六年 丁憂

羅璟 江西泰和人 進士 弘治六年 任九年 致仕

劉震 江西安福人 進士 弘治九年 任十四年 卒於官

黃珣 浙江餘姚人 進士 弘治十四年 任十四年 推朱任丁憂

楊守陞 浙江鄞縣人 進士 弘治十四年 以吏部右侍郎 署水監事

李旻 浙江錢塘人 進士 弘治十五年 以南京太常寺少卿 署監事 十七年 養母歸

章懋 浙江蘭谿人 進士 弘治十六年 任

蔡清 福建晉江人 進士 正德二年 十二月 起為清涼國子監祭酒 未至卒於家

王

勅

山東歷城人進士正德三年陞南京國子監祭酒四年免

石

瑤

直隸藁城人進士正德四年任五年改九

王

瓚

浙江永嘉人進士正德五年任

吳

一鵬

直隸長洲人進士正德八年任

魯

鐸

湖廣景陵人進士正德十年陞南監祭酒十一年改北十二年養病嘉靖元年起南監祭酒

賈

詠

河南臨潁人進士正德十一年任十五年守制

汪

偉

江西弋陽人進士正德十五年任

魯

鐸

見前嘉靖元年起祭酒再任二年養病

崔

銑

河南安陽人進士嘉靖二年任三年致仕

湛

若水

廣東增城人進士嘉靖三年任

張邦奇

浙江嘉善人進士嘉靖七年任

林文俊

福建莆田人進士嘉靖九年任

陳寔

直隸常熟人進士嘉靖十一年任

王道

山東武城人進士嘉靖十二年任十三年養親

費宋

江西鉛山人進士嘉靖十三年任

倫以訓

廣東南海人會元榜眼嘉靖十五年任十七年養病

馬汝驥

陝西綏德州人進士嘉靖十七年任

鄒守益

江西安福人會元採花嘉靖十九年任二十年災異自陳

龔用卿

福建懷安人狀元嘉靖二十一年任二十二年被劾歸

黃佐

廣東香山人正德辛巳進士嘉靖二十二年任二十三年丁憂

程文德

浙江永康人嘉靖己丑進士  
二十三年任二十六年丁憂

李本

浙江餘姚人嘉靖壬辰進士  
二十六年任二十七年改北

李

默

福建顯寧人正德辛巳進士  
十七年以太常寺卿掌監事

閻樸

山西榆次人嘉靖壬辰進士二十  
九年任三十年以到任違限爲民

茅璜

浙江錢塘人嘉靖戊戌進士三  
十年任三十二年改北監未仔

尹臺

江西平新人嘉靖乙未進士  
三十二年任二十三年改北

林庭機

福建閩縣人嘉靖乙未進士  
三十二年任

王維楨

陝西華州人嘉靖乙未進士  
三十四年推未任卒於家

沈坤

直隸大清河衛崑崙山人嘉靖辛丑  
狀元三十五年任三十六年丁憂

潘晟

浙江新昌人嘉靖辛丑榜眼  
三十六年任二十八年丁憂



秦鳴雷

浙江臨海人嘉靖甲辰狀元三十八年任

王材

江西新城人嘉靖辛丑進士四十年以太常寺卿任四十二年開住

裴宇

山西澤州人嘉靖辛丑進士四十年以太常寺卿管祭酒事

潘晟

見前嘉靖四十二年再起任四十二年陞南京吏部右侍郎

瞿景淳

直隸常熟人嘉靖甲辰進士四十二年以太常寺卿任

林樹聲

直隸華亭人嘉靖辛丑進士四十四年以太常寺卿任

胡杰

江西豐城人嘉靖丁未進士四十五年任改北監

呂調陽

廣西臨桂人嘉靖庚戌進士隆慶元年任改北監

姜金和

江西鄱陽人嘉靖庚戌進士隆慶元年任二年養病回籍卒

姜寶

直隸井陽人嘉靖癸丑進士隆慶二年改任四十年為民萬曆十二年起南太常寺少卿陞任南京禮部尚書

萬浩

江西進賢人嘉靖癸丑進士隆慶四年任五年陞南京禮部右侍郎改北禮部掌印事改任

陶大臨

浙江會稽人嘉靖丙辰進士隆慶五年出侍讀學士掌南翰林院任十月陞少詹事兼侍讀學士

林士章

福建漳浦人嘉靖己未進士隆慶六年任萬曆元年改爲千監祭酒

萬士和

直隸宣興人嘉靖辛丑進士隆慶六年起用以原職管南書部尚書

部尚書

姚弘謨

浙江秀水人嘉靖癸丑進士萬曆元年任

余有丁

浙江鄞縣人嘉靖壬戌進士萬曆二年由左庶子掌南院任四年養病

殷邁

南京留守右衛人嘉靖辛丑進士隆慶元年起用補浙江提學副使陞江西按察使南太僕寺卿致仕萬曆元年起

用補南京太常寺卿五年以南京禮部右侍郎五年以原官管本監祭酒事

屠羲英

直隸寧國人嘉靖丙辰進士萬曆五年以南京光祿寺卿陞南京太常寺卿管本監事六年調用

國朝

長

二

傳元

許國

直隸獻縣人嘉靖乙丑進士萬曆六年由洗馬兼修撰任八年陞太常寺卿管國子監祭酒事

戴洵

浙江奉化人嘉靖乙丑進士萬曆八年由右諭德掌南翰林院陞任九年調以原官致仕

高啓愚

四川銅梁人嘉靖乙丑進士萬曆九年由右中允任十一年改北監

王弘誨

廣東定安人嘉靖乙丑進士萬曆十一年由右諭德掌南翰林院任十二年陞南吏部右侍郎

黃鳳翔

福建晉江人隆慶戊辰進士萬曆十二年由掌南京翰林院右諭德任十四年養病

趙志皋

浙江蘭谿人隆慶戊辰進士萬曆十三年由左諭德兼侍讀任十五年陞

趙用賢

直隸常熟人隆慶辛未進士萬曆十三年由直隸常熟縣江陰人隆慶辛未進士萬曆十五年任十七年陞

南京禮部右侍郎

張一桂

河南祥符縣人隆慶戊辰進士萬曆十七年由太司乘任

南京國子監祭酒行實

胡濙字源潔直隸常州府武進縣人華除庚辰進士擢兵科給事中受知 文皇帝陞戶科都給事中永樂五年祭酒胡儼召入翰林供史職命濙代署監事六年奉命巡遊訪求異人歷禮部左侍郎洪熙元年儼致仕改濙爲太子賓客兼南京國子監祭酒先是 上爲太子監國時有飛語上聞 文皇帝屬濙往察之濙至以所見七事皆誠敬孝謹密疏以聞 文皇帝覽之大悅自是不復疑矣及 上嗣位特賜詰命已而聞有密疏疑之乃轉官南京未幾閱章奏見所上密疏乃深嘉其忠焉四月濙修飭邊豆大新鍾鼓篋簏構觀講堂十月復禮部左侍郎兼

國朝方集卷之二十一  
職如故遂朝於行在入見 上顧問良久卽留任行在禮部事  
請進尚書餘詳禮部

陳璉字廷器廣東廣州府東莞縣人洪武庚午舉人授桂林府  
教授秩滿陞國子助教永樂初年陞許州知州未幾代還改滁  
州八年陞揚州府知府仍掌滁州事十七年陞四川按察使二  
十二年陞南京通政使宣德元年命掌國子監事璉儒者持憲  
非其所長是以吏部請改用之 上憶璉在永樂初嘗獻歌頌  
有文名且發身教官宜在國學旣命之顧尚書寒義等曰命官  
稱其才則不勞而職易舉向所用非所長矣今其庶幾乎然爲  
天下賢士師表尤不易也冬十月以丁憂去職正統初調南京

禮部右侍郎又五年致仕。性行淳恪，文詞典重，所著作最多。有琴軒集。行世。卒年八十五。初去滁時，滁人祠之於醉翁亭。與王禹偁、歐陽修稱三賢云。餘詳南京禮部。

陳敬宗字光世，浙江寧波府慈谿縣人。少勵志，問學取永樂甲申進士。館閣鉅公知其俊才，選入翰林爲庶吉士。時與選者七十餘人，再加精選得狀元曾榮等二十八人，以應列宿之數。讀中秘書文淵閣中，敬宗與焉。文皇帝自教之，令內府給以書籍筆札。工部布几席，擇近居與處，以便宣召。禮部給夜誦膏燭，光祿供饌醢茗果食罷，許出遊息，仍免朝謁。自是益得以沉潛經史百氏之言。上時至閣試之，勗其文行期與韓歐並驅先。

後敬宗愈磨礪奮發會大召名儒纂修永樂大典 命敬宗等  
考正訛謬書成授刑部主事乃明習法律練達時政以宏博其  
器識甲午召入修五經四書大全繼入史閣預修 太祖高皇  
帝實錄既進呈遂改翰林院侍講嘗獻北京賦平胡頌及爲善  
陰陽頌已亥正月卿雲見甘露降獻 聖德瑞應頌其年十一  
月甘露再降於 孝陵松栢復爲頌以獻他如龍馬麒麟獅子  
騶虞諸福之祥畢集亦皆獻賦以掄揚之每元夕觀燈 賜譙  
皆儒臣應制賦詩 上獨稱善後丁母憂宣德改元起復修  
兩朝實錄未及成轉南京國子監司業精察積弊首疏三事上之  
九年秋滿陸祭酒爲人美鬚髯容儀端整步履有定期望之者

起敬當會食諸生稍有失儀卽待罪不輕容也或有所稟嚴於對君之禮居常持敬以身表率之每遇丁祭豫齋十日於廟房宿焉久居大學力以師道自任不少厭倦嚴立教條痛革舊習日勵諸生進成德有違犯者扣除坐堂月日悉爲虛曠豫示而堅守之以是畏憚不敢放肆咸均肅若朝廷焉戶部尚書關中楊鼎初於解於鄉試赴春官不利自北京求入南監從敬宗卒業其爲士大夫所重如此敬宗每對客善飲襄城伯李隆雅重斯文或延賓罷必留敬宗再飲主至醅酏尤自儼然若未嘗飲者人皆服其量一夕飲過劇兀坐喧頽中人或伺之見其拳握惟謹其矜嚴皆此類也平生剛正介潔勢利紛如一無所累評



者謂其撓之不亂淞之愈清官太學二十餘年諸生位有至卿  
薰者而敬宗獨久不調意器如也時北監祭酒李時勉約束諸  
生身教亦嚴世稱南陳北李景泰元年引年致仕德望文章名  
聞天下退而家居不輕出入有被接見者雍容談論莫不感發  
興起別號澹然居士至是又號休樂老人云有詩文十八卷行  
於世曰澹然居士集天順三年卒壽年八十有三

水東日記云國子祭酒四明陳先生遇待屬許生極嚴有懷忿  
而訟之者法司將覈就逮周文襄公其同年謂先生當具疏申  
雪遂屬筆於公未免有遷就之辭先生見之驚曰無乃誑君公  
笑曰在法當奏事不實耳闔者或迂先生而先生不亦純臣哉

郊外農談云正統間澹然陳公以南京國子祭酒九載歸績之  
京時中貴有柄國者勢傾朝野素慕公人品高致之門下適  
工部侍郎廬陵周公忱巡撫南畿時亦在京進謁中貴知其與  
澹然公同年微露其意周公詣澹然公以其意達之澹然公曰  
敬宗恭爲人師表而求謁中貴他日無以見諸生周公因諷中  
貴曰陳祭酒書法極高姑以求書爲名先之以禮幣彼將謁謝  
矣中貴然之乃遣人致綵段羊酒求書程子四箴澹然公爲走  
筆書之而還其禮幣竟不往見故爲祭酒十八年更不遷轉於  
是士大夫益高其風節云

客坐新聞云正統間南京祭酒四明陳敬宗以不見內侍之故

一任十八年未嘗兼階泰和王公直爲天官一日欲以司寇之任轉陞從容問曰老先生久居司城將以司寇相轉何如陳起揖曰某托先生爲知己豈有與天下英才終日講論道學而顧以桎梏之徒見欲何哉王公頓服卒寢之前輩風節嚴嚴有如此

野記云南京國子祭酒陳先生敬宗師道卓立名重一時六館士殆千人凡升堂聽講會饌儀矩嚴整雖朝廷之上不之過

也時豐城侯李公隆居守於先生最所敬服過其第必留宴或以家姬作樂譚笑竟日未嘗一目之常以拇指指中指自持豈且視其指甲痕猶在蓋恐失色於人也其檢身之功如此此其

所以模範多士至今南京言師道之重者必以先生爲首稱云  
吳師字與儉江西吉安府安福縣人以春秋學著名當世官德  
已酉領鄉薦第一庚戌進士選入翰林爲庶吉士擢編修九年  
陞侍講學者多從之遊於是天下稱春秋學者宗安福云景泰  
元年陞南京國子監祭酒節集諸生諭之曰方今 聖人御極  
民物熙皞正爾士子學古入官之時也當勤學業以事進修因  
詢事宜條陳以聞二年條陳國子監事宜言欲作興士類修理  
學舍且額設膳夫三百名例以囚充近因囚徒口鮮供役不足  
宜如北監事例以糧僉兼撥又按洪武永樂中天下共爲一監  
諸生多而糧食廣故光祿寺寄官豕八十餘使膳夫養之今南

此分爲二監諸生數少一日之中米麩有限而所養官豕猶夫  
舊也捐瘠陪償坐是逃避宜減省其半以甦困苦則人樂於充  
役矣從之於是合應天府屬縣編審均徭人戶充膳夫一百名  
其餘二百名仍以囚徒充役三年庚子朔工部言節奏本監紅  
倉二十餘圈乃洪武皇帝孝慈皇后積糧以嘉惠監生之有家  
室者蘆簾苦蓋容易朽腐宜易以陶瓦庶存懿德遺愛於萬年  
其意雖善但費浩必至勞民舊制難以擅改推行南京工部隨  
時修葺一仍其舊節又謂本監殿廡門堂坊牌號舍建自洪武  
歷八十餘年日漸頽損宜及是時量行修理此其言之可從者  
擬行南京工部會同靖遠伯王驥往審視而規度之節又謂本

監成賢街舊有號舍六十六間以處監生之有患病者後因病  
沒者多遂至荒廢宜於沿街空土一方改建復宇號以居師生  
而使病者處其後廂則人烟日盛求水火易生全者衆矣此亦  
行南京工部體勘改建若有窒礙卽宜停罷 上從其議七年  
御史閻鼎建言今天下之廣或抱兼理之才而終於郡邑或負  
超卓之行而老於令佐或有政事而困於教官或有兼能而淹  
於雜職薦賢之 詔屢下自非勢利不得與其選宜今在京堂  
上官并給事中御史在外責之巡撫巡按有不行推訪及舉主  
徇私濫舉者罪之 上從其言於是節旌別屬官助教馮瑀等  
奏請擢之天順四年九月考滿加三品俸還任八年八月纂修

睿皇實錄改授太常寺少卿兼侍講學士充副總裁官節教南雍  
十三年初陳敬宗以嚴毅爲教晚年益加峻諸生有不堪者節  
一切反之以寬其始兩京士夫稱譽謂得體其後士風不古多  
戾規矩或以咎節節曰書云敬敷五教在寬而禮謂嚴師非師  
自嚴上之人嚴敬之也訖不變至是老成凋喪知典故者亡幾  
衆謂舉凡發例非得諳練者不可於是 召節乘傳赴闕改入  
翰林書成進本寺卿兼學士如故詳翰林院

劉俊字世英陝西鳳翔府寶雞縣人正統乙丑進士第三授翰  
林院編修歷左春坊左贊善兼翰林院修撰天順八年陞南京  
國子祭酒成化三年冬十月改南京通政司左通政俊性通敏

疎脫嗜食蚯蚓今監生家人捕取以充膳他事大率類是物議非之遂被言官論劾改陞是官後陞南京大僕寺卿十四年陞南京工部右侍郎致仕餘詳南京工部

周洪謨字堯佐四川叙州府長寧縣人正統乙未進士第二授翰林院編修建言復提學憲官以振作人才自是頗以好名見短於時歷贊善進侍講又二年改侍讀掌南京翰林院事以纂修睿皇帝實錄歷侍讀學士成化三年十一月陞南京國子祭酒四年言會饌乃高皇帝成憲歷年遵行以致學規嚴肅生徒勤謹自景泰中因無柴薪暫且停止其後因循廢弛至今未復訪得南京抽分廠積有柴薪宜令議復詔下南京禮工



二部計議洪謨又言監生丁憂多有詐冒今原報父存母亡母存父亡并無祖父母嫡繼母者其丁憂二十七月俱準坐堂若父母俱存者第一次丁憂准坐堂二年第二次丁憂准坐堂一年半若有父母并有祖父母嫡繼母者第三次丁憂准坐堂一年第四次丁憂准坐堂半年所在官司里長保勘庶使無喪者不詐有喪者不匿矣其在家人丁憂者預令申達咨呈以丁憂之日爲始亦不得出一年之外其就教復監監生在部聽考日期以六閱月爲率除考期及往迴水程九閱月准作坐堂餘月日皆不准諸生告畢姻者有妻歿於家有言先聞於部以待回娶上命禮部議以親喪服制無遞減之例惟令監生丁憂欺罔者卽

爲虛曠餘如之。上命照舊例行。自是凡丁憂事故給假者俱不准坐堂。尋令監生患病一年之外不復監者放爲民。又令監生畢姻者如洪謨所言。冬十一月又奏言每年差監生六人解送毛襖淹滯虛曠以致年久不得出身。乞比照厨料事例免差。爲便從之。五年七月又奏請增設東廂房簷下小門一扇以便關鎖防護書籍。從之。六年七月又奏言本監紅板倉二十座係孝慈高皇后積糧以惠養監生妻室。乞爲修理庶以表著。高皇后良法美意於億萬年也。詔從之。自後建倉房易蘆席覆。以瓦。七年七月改北監祭酒。洪謨在南監承劉俊之後。學規縱弛。始振舉舊規。士類肅然。憚之後陟禮部左侍郎尚書。餘詳禮部。

王俱字廷貴直隸常州府武進縣人景泰辛未進士第三授翰林院編修歷侍講進春坊左庶子改南京翰林院學士成化七年辛卯二月南京國子監缺祭酒吏部以國學之師最難其選推俱及左庶子黎淳以聞上以命俱時教久弛乃嚴立程制核勤惰爲懲勸諸司差遣一按名籍不爲私假十二月奏請添設本監看守倉廩斗級十名以法司徒役者充之上從其言九年十一月劾奏本監典簿楊傑出身吏員貪污有跡遂以不謹免傑官俱又議以本監錢糧爲養賢而設收支專典簿不能無弊宜兼委博士助教等廉謹屬官一員不妨職業公同典錄收支則弊奸易息而事體一矣從之十一年冬十一月以監生

丁憂月日既爲虛曠告訐紛紜俱旣視事徵候情法兩盡乃以義起令在監丁憂服滿復班者每坐堂三日加一日請之如下以杜告擾且憫其情也後遂爲例十二年六月與奏准依北監事例減歷該歷事十閱月者減作六閱月爲本一年者減作八閱月於是南京守備辦事監生潘璣等援例以請吏部以璣等辦事實爲寫本相同宜聽其減從之十三年與令監生陳紀等攢造精微文簿數實有無祖父母與父母與嫡繼慈養等母防其加丁告擾也十四年五月與奏言三事論一副榜舉人不願就職許入國子監讀書一依親復班照丁憂事例循次揆歷一查勘光祿寺寄養官豕盡行革免上皆從之十五年正月與

令監生編輯本監條例分吏戶禮兵刑工六類四閱月乃成編  
先是正統戊午雖嘗奉命編猶未成至是俱日加檢閱始克  
就緒 祖宗舊章因是不質俱之功也俱風采凝峻廉角峭厲  
素善奕且所酷嗜及爲祭酒輒絕不復事其克制操執不爲俗  
變類如此故教法修整羣士皆歛衽欽服凜然稱嚴師焉壬寅  
秩再滿擢南京吏部左侍郎歷南京戶吏二部尚書餘詳南京  
吏部

劉宣字紹和江西吉安府安福縣人自生員補盧龍衛軍參將  
庚午順天鄉試第一登辛未進士改庶吉士壬申授翰林院  
修丙子陞修撰成化丁亥歷春坊右諭德右庶子庚寅陞

太常寺少卿成化十八年陞本寺卿掌南京國子監祭酒事待  
諸生厚而差遣必公考校必明十一月宣以琉球官生蔡賓等  
束脩有白金一斤辭不受後四年賓等復申請前尊以聞上  
命宣受之十九年九月宣以繁籍太學者凡一千七百一十六  
人而坐班者不過五百八十八人奏請行文原籍清理凡有遇  
會試之年徑赴禮部已中進士及就副榜者有遇例徑赴吏部  
告授雜職及教職者有病故及緣事者有司止催見在復監宜  
令不拘存亡俱造冊開報待朝覲之時齋赴禮部送行之二十  
一年宣奏言國學損壞已甚猶未興工上命南京工部舉行  
至九月始有移文焉於時中官用事釋老之官窮極土木而國

國朝及外系  
卷之二百六  
十五  
學乃緩如此二十三年陞吏部右侍郎詳南京工部

徐瓊字時庸江西撫州府金谿縣人天順丁丑進士第二授翰林院編修陞侍讀歷南京翰林院侍讀學士掌院事成化二十三年陞南京太常寺卿掌南京國子監祭酒事待諸生以恩義但在監碌碌無所聞人以巧宦少之弘治二年陞禮部右侍郎累官吏部尚書加太子少保餘詳禮部

謝鐸字鳴治浙江台州府太平縣人天順甲申進士改庶吉士成化乙酉授翰林院編修陞侍講謝病家居弘治三年庚戌擢南京國子監祭酒動以身教每嚴約束禁諸生班見禮捐皂役錢以沛僚屬籍膳夫錢於官構東西二書樓以度版上疏請增

楊時從祀而黜吳澄又奏言修明教化六事一曰擇師儒以重教化之職二曰慎科貢以清教化之源三曰正祀典以端教化之本四曰廣載籍以永教化之基五曰復會僎以嚴教化之地六曰均撥歷以拯教化之弊自今而觀惟撥歷最爲緊要而會僎次之其他不以爲迂泛不切則以爲空礙難行然竊思之不擇師儒則所教或非其道不慎科貢則所養或非其賢不正祀典則駿奔仰瞻之際無以示趨向不廣載籍則明體適用之學無以資見聞臣恐會僎撥歷一切皆虛文故事以如是坐食待次之人而欲備他日天下國家之用臣愚誠未見其可也擇師儒必先將臣罷黜然後力求道德之士若唐之韓愈宋之楊時



庶幾教化有賴至今提學等官權足以黜陟職之所關視國學則爲最切故必得廉靜恬退之士而有嚴重剛方之操庶足以稱其任不然或矯激以賣公道或假託以益私恩科貢由之而弊人材以之而衰臣豈敢推過於人哉其實天下之士十數年養成於彼而欲一旦責成於此雖有智者亦無如之何伏願聖明精擇其人而無如用臣之誤則庶幾於教化之職無負矣夫國學爲養士之地而科貢寔取士之階不可不慎也蓋科舉必本於讀書今而不讀京華日抄則讀主意不讀源流至論則讀提綱甚者不知經史爲何物歲貢必先於食廩今不以貨賄廩則以權勢廩不以優老廩則以恤貧廩甚者不知舉業爲何物

宜勅提學等官凡日抄等書在書坊者焚之在民間者禁之未  
食廩者嚴加考覈而不容其倖進已食廩者痛加裁革而不恤  
其私怨如此庶幾國學之所養者皆賢矣孔廟從祀之賢實萬  
世瞻仰所繫有若龜山先生楊時息邪放淫以承孟氏不愧南  
軒所稱繼往開來吾道南矣寔行晦翁之派雖其晚節一出不  
克盡從其言而新經之闢誠足以衛吾道又若臨川郡公吳澄  
生長於淳祐貢舉於咸淳受宋之恩已如此其久爲國子監司  
業爲翰林院學士歷元之官乃如彼其榮迹其所爲曾不及洛  
邑之頑民何敢望首陽之高士况二人皆太學之師也乞升時  
以上祔宋諸賢之位斥澄以下從莽大夫之列則於世道教化

不爲無少補本監所有書板雖舊多藏貯而散在天下者未免有遺雖旋加修補而切於日用者猶或未備乞 勅各布政司將所有如程朱大全集與宋史等書盡行起送到監而改東西書庫屋爲樓上以爲度置之所下以爲印造之局則不致污壞散漫而教化之助亦永有賴矣監生之會饌猶百工之居肆不惟朝斯夕斯得以專精其術業實亦相觀而善有以收歛其放心自景泰初以柴薪缺少暫且停免逮成化中致饌堂損壞遂成廢弛今饌堂廚竈修造將完所缺者器皿米肉椒油支給如故所少者柴薪乞將饌堂前廊房照舊蓋造以便往來而器皿柴薪或取之抽分或資之買辦務使經久可行則養士不爲虛

文而教化之地亦益見其嚴密矣往歲會議之時納粟監生約  
有三分科貢監生止有一分故分爲兩途相兼撥歷或三七分  
或四六分是以名數之多少爲撥歷之多少也然先帝聖裁  
猶命該監臨期酌量務使均平今見在監生納粟止及一分科  
貢已有二分若泥於舊制弊所不免殆恐非先帝臨期酌量  
均平之深意也臣愚欲乞轉科貢爲六七更納粟爲三四庶幾  
易窮則變變則通之意雖於教化未能少補而流弊亦不至於  
甚極也上准議行之於是撥歷科貢得七或六人皆感悅然  
納粟諸生或怨焉然亦終服鐸之公夏四月鐸陳情致仕許之  
後起禮部右侍郎掌國子監祭酒事餘詳北監

李傑字世賢直隸蘇州府常熟縣人成化丙戌進士改庶吉士授翰林院編修陞侍講歷侍讀學士加左春坊左庶子弘治四年六月陞南京國子監祭酒時以纂修勞支正四品俸在監無所建明六年丁憂累官禮部尚書卒贈太子太保詳禮部

羅璟字明仲江西吉安府泰和縣人天順癸未進士及第除編修成化丁亥纂修英宗實錄成陞修撰甲午纂修續資治通鑑綱目陞司經局洗馬丁酉坐事調南京禮部主客司員外郎弘治戊申陞福建按察司副使提督學校弘治六年陞南京國子祭酒十月奏言坐班人少差用不敷自今後科貢人監者俱暫留坐班以備差用俟後來數多仍照例放回仍催取在前數

回監生不分年月遠近俱限自文書出部日爲始除水程外違限三月送法司問罪若所在官司不行催取起送巡按御史究治八年又奏言本監實在監生二千六十八名坐班者不過四百九十六名欲照前任太常寺卿掌監事劉宣清理事例每遇朝覲將三年內舉人及官民生入監者備造文冊分豁舊管收除實在送部發監查照則數清而弊革矣 上從之九年正月以卧疾致仕

劉震字道亨自號勵齋江西吉安府安福縣人天順壬午登鄉舉成化壬辰登進士及第第二初授翰林院編修秩滿進侍講弘治元年戊申會國子缺司業擢右諭德管司業事九年秩滿

始再擢南京祭酒十一年乙酉南京科道因清寧官災各疏請黜奸貪以弭災異交論震物議頗沸欲罷之上不聽十四年以病卒爲人剛毅言直而情真與人處不詭隨遇事不合於理喞然不從人有善輒稱之不善必斥之不容見朝士好進取者尤薄其爲人故居官始終自守竟老於監官而無援之者其爲教以身率先諸生不少縱逸日課季試必嚴而公至於歲遣歷事諸司人無敢紊其序者其居師席望其容貌若不可親然篤於恩義見寒窶者多周濟之南監廬舍歲久甚敝節縮公用修治殆徧諸生條其學政相與作書紀之但居嘗以及第自負不喜讚譽而士論或譏其近利其放恣不率教者則造爲謗言

以勝於外及卒猶有作詩以辯其誣者在翰林嘗會試兩爲同  
考官廷試掌卷 經筵展書皆爲盛事及初擢監官適 孝宗  
視學與祭酒 賜坐堂上次當講易詞義明暢 上爲鑿聽翌  
日被 賜衣銀 勅宴於禮部人以爲榮遇平生文思敏贍下  
筆數百字不蹈襲陳言所著有稿藏於家

黃珣字廷璽浙江餘姚人成化辛丑進士授翰林院編修弘治  
二年陞侍講九年進右春坊右諭德管司業事十四年擢南京  
祭酒未任丁內艱十七年補國子監祭酒餘詳南京吏部尚書  
楊守卮字惟立浙江鄞縣人成化戊戌進士第二人授翰林院  
編修丁未遷南京翰林院侍讀署院事弘治戊申召還翰林院



纂修 憲廟實錄辛亥擢左春坊左諭德丙辰進翰林院學士  
奉 詔授庶吉士業丁巳充會典副總裁己未遷南京吏部右  
侍郎辛酉南京祭酒缺詣生乘隙多易簿書以規速進及往署  
監事悉爲釐正而亦不究作過者滿三載先期請得便道燎黃  
於墓報可歸鄞壬戌春詣 闕考績內閣奏留校閱會典書成  
賜宴禮部請還任許之餘詳南京吏部尚書

李旻字子陽浙江錢塘人成化甲辰進士第一授翰林修撰九  
載滿陞左春坊左諭德庚申侍 東宮講讀辛酉陞南太常寺  
少卿壬戌署南京國子監事甲子考績以養母自陳歸正德丙  
寅召修 孝廟實錄改太常寺少卿兼侍讀充講官丁卯 命

孝庶吉士尋陞本寺卿管國子監事纔八月歷南京吏部右侍郎四年卒

章懋字德懋號闇然翁浙江金華府蘭谿籍孝鄉人天順壬午魁於鄉成化丙戌爲會元入翰林院爲庶吉士爲劉定之柯潛獨與劉稱其不涉芟潤詩云柯本諸志而文本諸道編修甫四十日偕同官黃孔昭莊定山論上元烟火非是謫臨武知縣毛給諫弘陳御史壯論救改南京大理寺評事由儒飭吏不腐不深南入俸視北縮例益以堂隸顧直之羸獨無所益遷福建按察司僉事體仁藏用與道池張沙龍泰寧閩漳山海之寇皆有以俘其魁離其黨以默固完醇之政而蕘桴土鼓非世觀之習

也三年疏致仕時年四十一人以爲難既歸甘貧守道奉親外  
閉門讀書畢心體認之學而言必根志志必先用用必副功楓  
山授受提挈綱要所得益深士風爲之一變學子至不能容白  
沙一峯定山皆極推與朝論時有所薦張莊簡儲殖菴潘南山  
由道味同也弘治十四年南北缺祭酒倪冢宰岳起謝公鐸於  
北懋於南時未終制 詔虛位以待令吏侍楊守卮常卿李旻  
署監事十六年就官開示近裏南士意若無奇比論理道探素  
隱幽論天下古今事若生其時履其地處分其虧成五經論難  
若寸挺撞鐘迎手而應然後知書無不讀理若事無不會十七  
年奏修學政曰古者太學所養皆天下之俊秀其資既可與共

學必抵於大成故人材盛而風俗美也我 國家稽古制法尤  
重太學以敦化原洪武永樂年太學生徒動數千計類多少俊  
而教育之法至爲周詳計日以通經積分以出仕布列庶位大  
抵得人近年生徒漸少今科貢兩行共六百餘人其歲貢者非  
無可與共學之資而衰遲不振十常八九誨誘雖勤不無扞格  
近用三百五十名清理黃冊除別差之外盡發止及前數之半  
而堂舍頓空每班惟舉人三五名而已其舉人南京禮部劄付  
開送新舊共該六七百人又多顧戀家鄉不肯到監罰雖嚴於  
違限彼亦視爲泛常將及會試方求告送逮其不第又復還鄉  
因循歲時坐成老大其間固有厄於貧難而安於小成者亦不

少矣夫歲貢之入監既由挨次舉人之坐監又每後時故差撥常患於不敷教養尤難於見效本末胥病官使乏材有養士之名而無得士之實此臣之所甚懼而夙夜不寧者也臣愚欲行選貢之法不分廩膳增廣生員令提學憲臣精加考選務要行著鄉間學通經術年富力強累試優等者乃以充貢通計天下之廣約取五七百人分送兩監今年首行一次以後或三年或五年量在監人材多少間一行之更乞自弘治十八年以後會試下第舉人該送南監者寬其違限之條要以坐堂之實如係初到人數須令實坐堂一年之上方准再送會試如係復監人數須令實坐堂二年之上方准再送會試非有父母之喪而不

及期者不准起送如此則生徒之數可以漸及往年且多精銳  
可進之資鮮成因循自誤之悔臣雖不知所以爲教然亦安敢  
不盡其心勤用提撕嚴加程督稍做積分之意用申激勸之方  
務令文行兼修政教粗舉成材有望附選及時豈惟差撥恒充  
固將官使克稱庶乎 國家收養士之效而臣亦少逭尸素之  
愆矣 上命禮部議之時監生多放回依親懋又奏本見在歲  
貢監生四百餘名除有別差及量留聽撥外過湖查冊止及一  
百八十名尚欠一百七十名已行南京禮部將先年放回依親  
撥取養病送幼子等監生各行取回至今到監者十無一二南  
京戶科給事中等官李光翰等節次催取添撥委寔人少難添

未免有妨公務乞將今年新貢生員凡附近南京地方人數盡  
行送發肄業誠恐畏避過湖到監之後人皆循例告去須令經  
歷過湖短差六閱月滿日復監待後查冊事完仍依舊例上  
從之壬午 上以近來內外弊政多端軍民受害以致上千和  
氣命各該衙門查議奏聞於是懋復奏言法無古今便民者爲  
良法論無臧否利民者爲至論今政出因循事多積弊臣固未  
敢出位僭言也故就職之所及者而論之一曰歲貢諸生始得  
廩必二十三年而後貢送入監遠者十餘年近亦三五年而後  
撥歷又一年而掛選已及五六十歲又待選十餘年而後得官  
則其人亦老多不堪用因而死亡者亦不少矣是 國家虛費

廩米數百以養一人而不得一日之用豈不重可惜哉必清之於學校責令提學憲臣嚴加考選凡材之庸下年之老邁不堪作養者不許食廩充貢次清之於國學照依先年命大臣揀選之法凡材之庸下年之老耄不堪任用者不容在監待其掛選之時吏部就下考定高下或賜冠帶或授合得品級散官使之待選於家而行各處巡撫巡按分巡分守及司府正官凡有公事委之幹辦既可使之習於政事又可驗其能否歲終開具幹辦實跡第其高下造冊奏聞其材識優長卽行取選年老無材不堪用者就令致仕况洪武中嘗差監生各處丈量田土亦欲驗其能否而授職也明試以功如此則官使得人而民受惠



矣此賢愚同滯之弊所當革者也二曰成化初年本監止有博士三員助教十員學正學錄共七員耳今諸生不過四五百人而教官乃餘三十員會饌久停而掌饌乃有兩員似乎過冗冗食不節 國用虛矣又况近奉新例風憲有缺許於博士助教等官內選補則此各官者不惟風教所係抑乃風憲之儲尤宜慎選不以備員爲貴也所宜裁減如成化初年之數後遇缺員行令巡撫巡按提學等官推選學行超卓教誨有方者舉奏以補其缺庶幾用不失人既有以佐風教而備進簡員不至冗又可以寬民方面紓 國用矣此冗食之弊所當革者也三曰本監官吏俸糧及監生家小月糧俱給糙米師生會饌乃給白米

每歲預先會數呈南京戶部坐派蘇常等府解納本色近判到  
弘治十六年分折納糙熟米三千八百石計銀二千六百六十  
兩不分糙米熟米俱作七錢一石臣查得南京部院等衙門官  
吏監生俸糧近俱折價每石銀七錢今俸月糧糙米亦作七錢  
一石折納委實事體相同經久可行惟有饌米亦按月關支每  
人多者不過三斗少則七八升或三五升若將銀兩碎分不免  
虧折之患又後湖查冊監生數多所有饌米乃日用不可缺者  
雖云有銀可糴而米價貴時熟米一碩不止七錢欲從本監糴  
買供應又不免陪補之患若止將銀兩送湖則湖上亦費區處  
臣愚見此項糧米只合收受本色已行具呈南京戶部定奪該

部稱係巡撫奏 准事例難擅改移但恐遂爲永例則二患未  
有已也乞將俸糧月米折納價銀使民獲輕齎之便其饌米仍  
納本色則官免虧折陪補之患此則預防其弊官民兩便之事  
也四曰本監舊額膳夫一百名皆應天府所屬各編審均徭人  
戶充役爲因節有逃亡不便成化二十二年始改派蘇松常徽  
寧國府每名一年解銀一十二兩有閏加一兩以充雇役之用  
自文廟六堂及博士廳并內外各號看守灑掃及雜用工役共  
雇七十餘人該用工食銀四百五十餘兩其餘分派各官及本  
監一應公用如辦納內府洗衣局濕小粉等項皆於此取納先  
任祭酒劉震頤嘗積有盈餘奏 准修理號舍訖自臣到任以

來所收弘治十五年十六年銀兩除雇應役外北用共監見行  
事例止給與博士助教學正學錄典籍典儀膳早晚得官員各  
一名共用三十二名其餘公用隨宜節縮亦頗有餘均給六堂  
監生俱有文案籍簿惟是未經奏請於義未安今弘治十七  
年蘇松常三府共該膳夫七十名每名止解銀十兩來文開稱  
應按馮御史議處事例而徽寧二府仍照例解發多寡不齊欲  
便聽從輕減以寬民力義無不可但亦未經奏請未敢擅便  
定奪又今後湖查冊例該兼撥膳夫徒夫到彼供役緣法司近  
年間擬囚徒並無一名到監無從差撥已曾具呈南京禮部轉  
行取撥而法司回文須要申請方准撥送以此盡用前項銀兩

多雇人役前去供應但恐從此遂廢舊規未便如准部查議前  
項膳夫應該納銀若干通行各府遵守庶幾事體歸一仍行南  
京法司照前問發囚徒送監應役庶使百年成規不至墜廢所  
有前項膳夫銀兩除雇役外給與博士等官各一名及公用或  
有餘剩合無給與諸生惟復用以修理公廨或刊補書板亦乞  
斟酌所宜立爲定制以便遵守仍將收支數目明立文案隨卷  
照刷以防奸弊庶幾財無妄費民免加因此又革弊恤民之一  
端也五曰本監會饌乾魚每年預先會數呈南京戶部行湖廣  
布政司坐派各該河泊所辦納猪肉則三日一次會數行應天  
府都稅等司辦納行之歲久積弊去歲嘗爲長時則輸納後期

而支用多缺及魚賤時則一年併至而給散有餘堆積在庫一  
經暑雨則臭腐潰爛化爲灰土人不可食不無暴殄天物其饌  
肉每當暑月送納之際亦多臭敗退換則買補不便收受則日  
用不堪彼此皆以爲患本年五月內據應天府都稅等司連申  
自願折納肉價銅錢行據各班堂友長以爲兩便臣查國子監  
通志監生每人每日乾魚二兩而本監案卷數十年間止是三  
日二兩又查得北監有給錢鈔事例饌肉亦係折納乞 勅該  
部從長計議卽今在庫腐魚數多從每日二兩之例分給以後  
各該河泊所歲辦乾魚酌量中價止令折納銀兩則民免裝運  
輪納之費而在官亦免堆積腐壞之患其饌肉每年自四月初

起至八月終暑熱易敗之時照依時估折納銅錢庶得官民兩便此事雖無關於大體實亦積弊之不容坐視者也 上悉嘉納付所司亟行焉十八年十二月陳言治道大略要務謂紀元以正德爲名當求其實必如漢董仲舒所謂正心正朝廷正百官正萬民而後謂之正德必如唐劉蕡謂居正位親正人發正言行正道而後可以正德臣已具疏乞骸將歸死首丘而犬馬之誠耿耿不能自已敢以正德之所當務者條爲五事一曰勤聖學二曰隆繼述三曰重詔令四曰謹大婚五曰敬天戒 上優詔答之是年以廟學損壞已甚奏 請修理不報在 武宗廟前 乞致仕溫旨勉留有老成端謹聞望素著允宜師表

之來既正德三年三疏請老而自問醫東下後起南京太常寺卿辭詳南京禮部尚書

蔡清字

福建泉州府晉江縣人成化甲辰進士授禮部

司主事弘治三年改吏部稽勳司六年陞驗封司員外郎養

病

年起禮部郎中十三年五月因彗見疏時政以弭天變

言通賄李廣者尚在朝班是紀綱廢弛故士風日壞甚至宦官廝養宅舍擬公侯金銀動萬計而錙銖取民者多充債將之家轉運權倖之門民力詘兵力弱尚忍言哉今欲揀之必先正心用人下部知之尋陞江西提學副使正德初忤寧藩欲傾之遂致仕正德三年十二月起南京國子監祭酒未至卒生平飭躬



國朝及身系  
砥行不入俗浮靡好學至老不倦以六經爲正宗四書爲嫡傳  
以周程張朱爲真派研精殫力摹擬闡解學者宗之曰虛齋說  
也家極貧雖位四品恒借貸於人以自給

王勅字懋綸山東濟南府歷城縣人成化甲辰進士第三授翰  
林院編修謫湖廣夷陵州判官歷四川提學僉事河南提學副  
使正德三年陞南京國子監祭酒四年免

石埭字邦彥直隸真定府藁城縣人成化丁未進士任南京翰  
林侍讀學士正德四年任教法嚴達濟之以恕時闔瑾川事以  
勵精爲名士大夫當官亦附會振作南京禮科因監生查對軍  
冊有患病不容給假璫力主之南京戶科因晒膝黃冊有不至

者輒行典簿廳取供令其每夕書西瑀以 祖宗成憲不敢擅  
改習之諸生感悅會廷臣議令納銀監生增報年歲或謂將揀  
選聽點人情洶洶珩拘集至班惟令邊增一歲繳冊至部亦竟  
無他人益服其有見五年改國子監祭酒餘詳內閣

王瓚字思獻浙江温州府永嘉縣人弘治丙辰進士第二授編  
修歷司業侍讀正德五年任八年改國子監祭酒歷南京禮部  
左侍郎餘詳南京禮部

吳一鵬字南夫直隸蘇州府長洲縣人弘治癸丑進士改翰林  
院庶吉士歷編修侍講調南京刑部 司員外郎轉南京禮  
部 司郎中正德 年復原職七年進侍讀學士八年任計

年陞南太常寺卿餘詳南京吏部尚書

詹鐸字振之湖廣沔陽州景陵縣人弘治壬戌進士改翰林院庶吉士十七年除編修正德二年陞國子監司業三年養親尋丁憂六年補原職十年陞南京國子監祭酒十一年改北國子監祭酒十二年養病嘉靖元年起南京國子監祭酒二年養病後卒於官謚文恪餘詳北京國子監祭酒

賈詠字鳴和河南開封府臨潁人弘治丙辰進士改翰林院庶吉士授編修調兵部武選司主事陞禮部祠祭司員外郎復原職歷左中允兼修撰南京侍讀學士正德十一年任故事臺省有缺選博士助教等充之而南監不得與詠疏以南北一體宜

采擇以勵有志 詔可之十五年守制改國子監祭酒餘詳內

閣

汪偉字器之江西廣信府弋陽縣人弘治丙辰進士改翰林院庶吉士授檢討調南京禮部儀制司主事復原職陞司業正德十五年任嘉靖元年陞南京禮部右侍郎歷吏部左侍郎詳吏

部

崔銑字仲晃河南彰德府安陽縣人弘治乙丑進士嘉靖二年任開誠心崇王義明教條嚴祀事正文體獎雋彥警輕惰禁遊戲清廩餘革蠹耗日衣冠坐東堂諸生問難饗客不倦周貧賻喪士林大悅三年以議大禮致仕後歷南京禮部右侍郎餘詳

南京禮部

湛若水字元明廣東廣州府增城縣人弘治乙丑進士改翰林院庶吉士歷編修侍讀嘉靖三年任七年陞南京吏部右侍郎累官南京兵部尚書餘詳南京兵部

張邦奇字常甫浙江寧波府鄞縣人弘治乙丑進士改翰林院庶吉士歷檢討湖廣四川提學副使左庶子兼侍講嘉靖七年任開朗蒙滯宣明德教言默動作示人準程自是良士勇善偽夫去飾情者益勤誕者益恭士皆得師奏命校諸史叔正偽補廢九年陞南京吏部右侍郎終南京兵部尚書謚文定

林文俊字汝英福建興化府莆田縣人正德辛未進士改翰林

院庶吉士歷編修右贊善嘉靖九年任十一年改國子監祭  
歷南京吏部右侍郎餘詳南京吏部

陳寰字原大直隸蘇州府常熟縣人正德辛未進士改庶吉士  
授翰林院檢討十二年養病嘉靖元年補原職本年丁憂四年  
補原職本年陞南京國子監司業七年養病十年起國子監司  
業十一年陞南京國子監祭酒十二年致仕

王道字純甫山東東昌府武城縣人正德辛未進士改翰林院  
庶吉士歷任應天府學教授嘉靖十年陞吏部驗封司主事養  
病嘉靖五年起考功八年陞文選員外歷九年陞稽勲郎中十  
年改文選司郎中以大學士方獻夫薦改左諭德十二年任十

三年養病後起用改吏部右侍郎餘詳吏部

費案字子和江西廣信府鉛山縣人正德辛未進士改翰林院庶吉士歷編修九年逆濠嫉私人罷之十六年復原官嘉靖元年陞右贊善南京尚寶司卿右庶子兼侍講十一年陞南京右通政十三年任十四年陞南京禮部右侍郎累少保禮部尚書兼學士餘詳禮部

倫以訓字彥式廣東廣州府南海縣人正德丁丑進士第二授翰林院編修歷修撰陞右諭德仍兼前職嘉靖十五年陞南京國子監祭酒十七年養病

馬汝驥字仲房陝西延安府綏德州人正德丁丑進士改翰林

院庶吉士歷編修嘉靖十一年陞司業十四年陞南京右通政  
十七年任十九年陞禮部右侍郎兼侍讀學士二十二年卒贈  
禮部尚書謚文簡

鄒守益字謙之江西吉安府安福縣人正德辛未進士第三授  
翰林院編修謫廣德州判官陞南京禮部主客司郎中嘉靖十  
八年起司經局洗馬兼侍讀十九年陞太常寺卿兼侍讀學士  
本年改南京國子監祭酒二十年災異自陳致仕贈禮部右侍  
郎謚文莊

龔用卿字鳴治福建福州府懷安縣人嘉靖丙戌狀元授翰林  
院修撰考滿陞左諭德兼侍講改兼侍讀嘉靖二十一年陞南



國子監祭酒二十二被劾聽調

黃佐字才伯廣東廣州府香山縣人正德辛巳進士改翰林院庶吉士授編修調江西按察司僉事改廣西提督學校爲母棄官歸養嘉靖十八年復原職兼左春坊司諫歷侍讀掌南京翰林院右春坊右諭德兼翰林院修撰二十二年任二十三年丁憂二十四年陞詹事府少詹事兼學士

程文德字舜敷浙江金華府永康縣人嘉靖己丑進士第二人授翰林院編修以言事謫信宜典史歷陞安福知縣南京兵部職方司主事車駕司員外郎禮部精膳司郎中起復兵部車駕司郎中廣東提學副使二十三年任與六館士約敦本實抑浮

靡又爲葺學舍與射圃二十六年丁憂二十九年陞禮部右侍郎歷吏部右侍郎兼學士掌詹事府事改南京工部右侍郎致仕

李本字汝立浙江紹興府餘姚縣人嘉靖壬辰進士二十六年由左中允陞任二十七年改北入內閣餘詳內閣

李默字時言福建建寧府甌寧縣人正德辛巳進士改翰林院庶吉士以吏部驗封司郎中同考武舉持議忤貴臣謫判寧國起官提督學校歷長藩臬嘉靖二十七年以浙江左布政使陞太常寺卿掌南京國子監祭酒事二十八年陞禮部右侍郎累吏部尚書兼翰林院學士餘詳吏部

閻樸字文甫山西太原府榆次縣人嘉靖壬辰進士改翰林院庶吉士授檢討歷右贊善兼檢討二十一年丁憂二十五年補原職二十九年陞南京國子監祭酒三十年以到任違限爲民茅瓚字邦獻浙江杭州府錢塘縣人嘉靖戊戌進士第一授翰林院修撰陞左春坊左諭德三十年任三十二年調北監祭酒三十三年陞南吏部右侍郎改禮部右侍郎

尹臺字崇基江西吉安府永新縣人嘉靖乙未進士改翰林院庶吉士授編修歷右春坊右諭德兼侍講嘉靖三十二年任三十三年調北監祭酒

林廷機字利仁福建福州府閩縣人嘉靖乙未進士改翰林院

庶吉士授檢討歷國子監司業嘉靖三十三年任三十四年陞  
南京太常寺卿三十六年以本寺卿掌國子監事

王維楨字允寧陝西西安府華州人嘉靖乙未進士改翰林院  
修撰右春坊右諭德嘉靖三十四年陞未任

沈紳字伯載直隸大河衛人嘉靖辛丑進士第一授翰林院修  
撰歷右春坊右諭德嘉靖三十五年任

國朝列卿紀卷之一百六十終